

1/3³

899 (4) Nkokomoghe in Basutoland K32/22
and matters relating thereto.
Litaba tsa Basuto le Nkokomoghe.

B. Mogorosi

1.

016

Go na le dikgagamatso tse dikgolo mo lehatsheng ja Modimo. Go na le lehatshenyana je lengoe koa Lesotho je le bidioang ga Molapô. Molapo ke morena oa teng, jaanong lehatshe leo ke la ga morae e bong Motshoene. Ga Molapo ke Leribe. Lehatsheng je gona le helo gongoe go go kgakgamatsang thata. Go le hae go bidioa Nkokomoge. Lehatshe ja gone le kua mesi, empa re sa bone batho. Golo moo go na le melatsoana e mentsi e e senang metsi, 'me go medile letlhaka je legolo gone je le potologang melatsoana. Mo teng ga melatsoana eeo, go na le mesima e mentle thata e e mo ditshitshing tsa dimota tsa melatsoana. Mesima eeo e megolo moo motho o ka tsenang teng ha a gagaba ka maoto le matsogo. 'Me re ne re utloa dikgomo le batho ba ntse ba bua mo teng. Dipudi, dikgomo le dinamane di lela mo teng. Dikoko le tsone di lela ha masigo a a sa 'me tsotlhe tse re sa di bone. Re ne re utloa le basadi ba ntoa megolokoane ka moo, go bonala gore ba na le mekete e megolo ka teng. Kaha godimo ga matshoba a matonna a, go na le matshobanyana a manyenyane a a kuang mosi go bonala gore go besitsoe x molelo kaha tlhatshe. Le dithuthubudu tsa molora di gone ka ha ntle ga dimota tseo. Re dumela gore batho ba teng moo gone ha motho a tlhoka molelo, 'me a ea gone a tseile sebi sa boloko 'me a hitlha a re: "Ke tlile go kopa molelo," 'me a tsenya sebi se mo mosimeng, sea kukela 'me se tuke. 'Me ha o sa kope pele, sebi sa gago ga se tuke o tla bona hêla mosi o ne o ntse o tsoa mo letshobeng 'me se gana go tuka go hitlhela o bo o tlhoboga. Metsi a go e ne le ône ga o kake oa aga ha o sa a kope ga o kake leha o ka leka thata gone ka o re oa aga a a gana. Erile ha batho

2.

ba tlaa ela tlhoko le go itse golo ha sentle, ba ne ba lemogisioa ke dingaka tsa mathogela le Baporofeta ba Lesotho. Ba ne ba kaeloa gore ba tla ea go kopela motho thuso gone ha a bobola, jalo a ile a e bone. E ne e re ha mosadi a sa bone thari, dingaka di ee gone go ea go mo kopela ngoana, 'me a nne le ene jaanong. Mathogêla ana a ea go kopa ditlhare teng moo. Ke gone ha batho botlhe ba tlaa lemoga gore go na le batho mo heleng go go kuang mesi mo. Batho ba

/ne ba.....

MMM

ne ba etela gone ba ea go kopa bana, leha motho a bobola o na a isioa gone. Go no go diroa mehago e megolo ha go eteloa gone, 'me ere ha ba atamela ba tlogele dilo tsotlhe tse ba di apereng kgakalanyana 'me go tsamae basadi le banna ba ba tonna hela ba na le baroetsanyana ba ba iseng ba itlhokomele (ba ba sa tsamaeng le makau). Ba ne ba apara diaparo tsa Sesotho hela ha ba ea moe Nkokomohle. E ne e re ha ba tsena mo lotlhakeng ja teng, ngaka e e eteleletseng batho bao pele, e ee koa lemoteng je le kuang meso, 'me e hitlhe e kope e re: "Ke tlisitse batho ba ba tlileng go kopa bana, 'me ke tlile go kopa hela mo re tla binelang gone". Ba tsene mo gare ga lotlhaka, 'me ba tshimolole ka thapelo.

3. Thapelo ea bone go no gotoe:

Go isa kae Malekeleke Lemota Lefadile,

Modimo o montsho rapela oa bogologolo.

Re batho ba Nkopane oa Mathunya Rammoluki,

Diatla di marobs, diatla di marotholodi a pula.

E ne e le thapelo ea bone e Basotho ba ne ba e rapela ha ba kopa selo. Ba ne ba rapela thapelo e ka kopelo 'me ba bina. Jaanong ba tsamae ba hitlhe koa lemoteng botlhe, go ioe go tlhagisioe x moroetsana eo o ileng go kopeloa ngoana. Ba mo ree ba re a ipoke a bolele ba ga gabo botlhe, a bolele botlhe ka maina, go tshimolola ka rragoe mogolo oa rragoe mogolo go tla go hitlha mo go rragoe. 'Me monna oa gagoe le ene a bolele bo rragoe mogolo botlhe ka maina a bone go tloga tshimologona ea bone le go hitlha mo go rragoe. 'Me ha batho ba ba sa bonoeng bao ba sa bone gore motho eo o tlisitsoeng eo o tla nna le ngoana, go tlaa eetsioa ngoana a lela letsopeng 'me ba tlhologe. 'Me ha a tlaa nna le ene, ngoana ga a lele 'me go itsioe gore o tla nna le ene. Jaanong go tsamae basadi ba ba tonna hela ba ee go tsena mo sedibeng se se nang le letsopa je le tokoa mmala os jone. Ha ba hitlha gone ba rapele gape ke gona ba tlaa tabolang letsopa. Le gone ga ba le tabole ba ise ba duele ka digaga le medi (chelete), jaanong ba bope ngoana ka letsopa je. E ne e re ha ba batla ngoana oa mosimane, ba bope oa mosimane, ha ba batla mosetsana, ba bope oa mosetsana.

/E re ha.....

E ne e re ha ba heditse go mmopa ba tsamae ba ee koa go ba bangoe, e ne ba mo tlogele mo sedibeng. Ba tsee nako ba ntse ba bina, 'me gape ba boe ba tle go mo tsaea. E tla re ha ba hitlha mo sedibeng; ba hitlhele ngoana eo a dihiloe matlho, dinko, molomu le gotlhe

4. hela mo go mo mothung ha e le mosimane kgotsa ele mosetsana, go diriloe ka segaga se se phatshimang. Jaanong ba mo tsee ba tsamae ka ene e le letsopa. Ha ba hitlha koa gae, ga ba tsene mo motsing ba ise ba amogeloe. Go tshosnetse gore ha e le mosimane go tlhajoa kgomo, ha e le mosetsana go tlhajoa nku, 'me ke gona ba tlaa tsenang. Ngoana eo oa letsopa o na a nna ka ha tlung a sa ntshioe 'me le moroetsana eo o mmatletsoeng o na a sa tsoe le ene go toe ke motsetse. E ne e re ha phoshe e ngoe e le gone, kgotsa ngoana eo a batla sengoe a lele. Selelo sa gagoe e ne e le go tsoa moshaa ka matlho. Go tlhajoa kgomo a e kaeloe gotoe: "Kgomo ea gagoe ke e. 'Me ha a sa batle eone, a nne a lele hela go hitlhela a ba a neoa se a se batlang 'me a didimale (ke gore moshaa o se ke o tlhole o tsoa). Ka nako ea ha moroetsana a le ka tlung le letsopa je, monna oa gagoe le ene a iphute metlhala a itshoara setho (a se kaa tsamaea le basadi ba bangoe), ngoana o tlaa lela gape. Ngoana eo o na a bēlōgoa hele jaaka ngoana tota, a anyisioa, a jisioa dijo. 'Me o na a nna jalo go hitlhela moroetsana eo a ba a belega. 'Me jaanong go busedise letsopa je koa sedibeng seo gape gone ga le kake ja latlhoa hela. Ngoana le ene o isioa gone le letsopa je ha le busioa, go ea go lebogoa batho ba ba sa itseoeng ba koa Nkokomohē. Ba ne ba tle ba dihe thapelo gape, 'me ba re: "Ngoana eo re ne re mmatla re mmone 'me rea leboga. Jaanong ba tsee ngoana le letsopa je ba di ise koa sedibeng 'me ba di tlogele gone ba boele koa lotlhakeng. Ngoana eo a sale a dutse a le esi hela 'me a sa lele. Gape ba boele sedibeng bae go tsaea ngoana oa bone 'me ba boele gae. Re lebetse se: Ngoana eo oa letsopa eo: E ne e re ha e le mosimane ba hitlhela tseisitsoe molamu ka letsogo je le tona je le mamagadi a tseile thebe. Ha e le masetsana a apesitsoe segaga se se hololetsoeng mo magetleng. Molamu oo, le thebe eo di ne di dihile ka letsopa je le hesitsoeng je le ntle thata. A gase dikga-kgamatso?